



ՀՈՐԵԼՅԱՆ ԼՎՈՎՈՒՄ

Սույն թվականի մայիսի 16—20-ը, Համայն Ռուսիո և Մոսկվայի Պատրիարք Պիմենի հրավերով և Ն. Ս. Օ. Տ. Տ. Վապգեն Ա-ի կարգադրությամբ, Ադրբեջանի հայոց թեմի առաջնորդ գերշ. Տ. Անանիա եպս. Արաբաջյանը և Ս. Էջմիածնի միաբան Տ. Պրսակ աբեղա Կարապետյանը մեկնեցին Ոսկրահայի Լվով քաղաք՝ մասնակցելու Ոսկրահայի հունա-կաթոլիկ եկեղեցիների՝ Ռուս Ուղղափառ Մայր եկեղեցուն միանալու քառասունամյակի հանդիսություններին:

40 տարի առաջ, 1946 թ. մայիսի 7-ին, Լվովի Ս. Յուրա եկեղեցում տեղի է ունեցել ապգային-եկեղեցական ժողով, ուր ժողովի որոշմամբ Ոսկրահայի բոլոր հունա-կաթոլիկ եկեղեցիները իրենց հոծար կամքով միացան Ռուս Ուղղափառ Մայր եկեղեցուն: Այս շարժման ղեկավարներն էին՝ Ս. Ալլակերպման եկեղեցու վանահայր Գավրիլ ավագ քին. Կոստենիկը, Նիժանկով եկեղեցու վանահայր Միխայիլ քին. Մելնիկը, Կոպիչինցյախ եկեղեցու վանահայր Անտոնի քին. Պելեցկին: Այս մեծ գործի հաջողության համար Գավրիլ ավագ քին. Կոստենիկը իր կյանքը պահպանեց:

Իսկ ինչո՞ւ հատկապես Ս. Յուրա եկեղեցում տեղի ունեցավ այդ պատմական ժողովը: Որովհետև 1806 թ. ի վեր Ս. Յուրա կաթոլիկ եկեղեցին հանդիսանում էր Գալիցիայի կաթոլիկ միտրոպոլիտի աթոռատեղին: Այժմ նույն եկեղեցին Լվովի և Տերնոպոլի միտրոպոլիտության նստավայրն է:

1986 թ. մայիսի 17-ին, ժամը 10-ին, Ս. Յուրա եկեղեցում տեղի ունեցավ հորեկանի բացման հանդիսավոր արարողությունը:

Բոլոր հյուրերին և ներկաներին ողջունի խոսքով դիմեց Ոսկրահայի եկկարխ, Կիևի և Գալիցիայի միտրոպոլիտ Ֆիլարետը: Ապա Վեկուցումներով հանդես եկան Լվովի և Տերնոպոլի միտրոպոլիտ Նիկողիմը, Իվանո-Ֆրանկովսկի և Կոլոմենսկի արքեպիսկոպոս Մակարին, Պոչան մենաստանի վանահոր փոխանորդ Մարկ վարդապետը, չեխ, լեհ, բուլղար, հույն, վրաց, հունգար, Անտիոքի քույր եկեղեցիների ներկայացուցիչները և այլ հյուրեր:

Հայ եկեղեցու անունից խոսք առավ գերշ. Տ. Անանիա եպս. Արաբաջյանը, որը հաղորդեց Ն. Ս. Օ. Տ. Տ. Վապգեն Ա կաթոլիկոսի ողջունն ու եղբայրական ջերմ բարեմադ-թությունները ներկա ժողովականներին: Կարդացվեցին շնորհավորական հեռագրեր: Վերջում ուղարկվեցին երեք հաղորդագրու-թյուններ Համայն Ռուսիո և Մոսկվայի Պատրիարք Պիմենին, մասնակից քույր եկեղեցիներին և ՍՍՀՄ և ՌԽՍՀ Միևիստրների խորհուրդներին կից կրոնական գործերի խորհուրդներին:

Մայիսի 18-ին, կիրակի օրը, ս. պատա-րագ մատուցվեց Ս. Յուրա եկեղեցում: Պատարագից հետո բոլոր ժողովականները մեկ-նեցին «Փառքի բլուր» և ծաղկեպսակներ Վեռեղեցին Հայրենական մեծ պատերազմի հերոսների գերեզմանին: Ապա մեկնեցին Լիչագովի հայտնի գերեզմանատուն, ուր Գավրիլ ավագ քին. Կոստենիկի գերեզմա-նին կատարվեց հոգեհանգստյան պաշտոն: Երեկոյան ժողովականները այցելեցին Լվովի եկեղեցիները՝ Ուսպենսկի, Ս. Նիկոլայի, Պատնիցկի, Պրեթորաժենսկի: Հյուրանոց

վերադարձի ճանապարհին Տ. Անանիա եպս. Արաբաշյանը և Պսակ արեղա Կարապետյանը մեկնեցին տեղի հայոց եկեղեցի*:

Մայիսի 19-ին հոբելյանի մասնակիցները ավտոբուսներով մեկնեցին Պոչանսկու մե-

* Հայերը Լվովի հնագույն բնակիչներից են: Լվով քաղաքը հիմնադրել է Գալիցիա-Վոլինյան իշխան Դանիել Ռոմանովիչ Գալիցկին ԺԳ դ. 60-ական թթ. և կոչել իր ևև որդու անունով: Լվով քաղաքը եղել է Լեհաստանի և Արևելյան Եվրոպայի հայության հոգևոր կենտրոնը 1367 թ.-ից մինչև 1772 թ.: Հայերը Լվովում ունեին երեք եկեղեցիներ՝ Ս. Հակոբ, Ս. Խաչ, Մայր եկեղեցին և մեկ մենաստան: Այժմ կանգուն է միայն Մայր եկեղեցին, որը կառուցվել է 1363—1370 թթ. (1083 թ. փայտյա եկեղեցու տեղում):

նաստան: Ժամը 10.30-ին մենաստանի Ուսպենսկու տաճարում սկսվեց ս. պատարագը, որին իրենց մասնակցությունը բերեցին Էկվարիս ֆիլարետը, միտրոպոլիտ Նիկողիմը, մի շարք եպիսկոպոսներ և քույր եկեղեցիների ներկայացուցիչներ: Հավարտ ս. պատարագի տրվեց հրաժեշտի ճաշկերույթ: Ճաշկերույթին շնորհակալական խոսքով հանդես եկան քույր եկեղեցիների ներկայացուցիչները: Տ. Անանիա եպս. Արաբաշյանը Հայ եկեղեցու և Վեհափառ Հայրապետի անունից կրկին անգամ շնորհավորեց հոբելյանի առթիվ և շնորհակալություն հայտնեց ջերմ ընդունելության համար: Վերջում փոխանակվեցին հուշանվերներ:

ՊՍԱԿ ԱՐԵՂԱ ԿԱՐԱՊԵՏՅԱՆ

